



UNIVERSITÄTS-  
BIBLIOTHEK  
PADERBORN

## **Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 1. Desumpta ex cap. I. lib. Genesis, in quo describitur sextiduana totius mundi creation. Adami in cuncta Dominium.

---

[urn:nbn:de:hbz:466:1-61252](#)



# FASCICULUS I.

*Doctrinarum Moralium & Asceticarum.*

## Doctrina I.

*Desumpta ex cap. I. lib. Genesis, in quo describitur sextiduana totius mundi creatio. Adami in cuncta Dominium.*

Considera



Uòd DEUS creatis cælō & terrā, sole & lunā, pisibūs & volucribūs, jumentis & bestiis, ultimò tandem creans hominem egerit artis suæ peritissimum Oratorem, qui brevi Epilogo, tanquam totius Orationis Compendio, includit ea, quæ per alias partes fusiūs discusserat: hac de causa Homo *Microcosmus* dicitur. Nec hoc sufficerat exornando tam nobili artificio; etiam supremi Conditoris Imaginem circumferre debuit, ut præfatas creaturas non includeret tantum, sed milleriis gradibūs excelleret, ipsis paulò minor factus Angelis teste Prophetā Regiō Psal. 8. quare, et si alia omnipotentiae suæ opera, ut bene elaborata, approbet DEUS, de solo tamen profitetur homine: *Delectabar per singulos dies, ludens in orbe terrarum, & delicia mea esse cum filiis hominum.* Prov. 8. Agnosce ergo Christiane Lector præstantissimæ tuæ naturæ Dignitatem: age debitas pro tantis gratiis gratias, de die sæpius te alloquens verbis Christi Matth. 22. quærentis: *Cujus est Imago hæc?* Nónne illius, cui nulla unquam dominatur superbia? quem nulla excæcat libido? nulla immitem facit avaritia? nulla exasperat ira? nulla enervat acedia? sed qui teste

N.I.

A

Ascetâ

Ascetâ lib. 3. de imit. Chri. cap. 40. *Est semper bonus & sanctus, bene & justè agens omnia, & disponens in sapientia.* Hanc imaginem piò mentis oculò inspice, & divinæ Cooperans gratiæ, fac secundùm Exemplar, quod tibi in ea monstratur, obtemperandò monitis S. Greg. Nyss. Orat. 1. suprà illud: *Faciamus hominem ad imaginem &c.* sribentis: non ait DEUS: faciamus hominem ad imaginem nostram, ut irascatur, concupiscat, & mœreat; perturbationes enim non cadunt in imaginem DEI, sed Ratio perturbationum Moderatrix & Domina. Ad imperandum natus est homo: Quid ergo perturbationibus servis? cur Dignitatem tuam abjicis? &c.

N.2. Dic quæso: annon indigneris Soli, clarissimo hujus mundi oculo, si vel unicâ horâ eclipsim patiens, à scopo suo, ad quem à DEO creatus est, aberret? dic: annon indigneris terræ, si ex semine in se projecto paucos vel semel tantùm protrudat fructus? & tibi non indigneris, si à fine, quem intua creatione tibi præfixit Deus, totô cælô devians, inordinatis passionibus succumbas? ò te miseram & infelicem animam, quæ tam liberalem fugiens Dominum, tot Tyrannis in servam te tradis! an nescis, summam gloriam esse, gloriari in solo Rege gloriæ? an ignoras, sumnum esse bonum, illum tantummodo querere in omnibus, qui solus omne bonum? ex tot creaturis, quas hoc S. Scripturæ caput à DEO conditas testatur, nullam reperiire est, quæ suō desit officiō: Sol enim numquam non præest diei, Luna cum stellis numquam non nocti. Numquam non natant in aquis pisces, in aëre nunquam non volant volucres, nunquam non discurrent feræ per sylvas. Cunctis æstatibus surgunt è terra flores & herbæ, nascuntur ex arboribus fructus: Ascendunt montes, & descendunt campi in locum, quem fundasti eis, terminum posuisti, quem non transgredientur. Psal. 103. Solus homo inobediens factori suo, metam suam transeat? declinet tam enormiter à centro? eja agnoscens tandem errorem tuum, revertere, & dic cum Josepho, à Patre suo vocato Genes. 37. presto sum, ad serviendum tibi soli, tantum adjutor meus es, ne derelinquas me, neque despicias me DEUS salutaris meus. Psal. 26. Da, quod jubes, & jube quod vñ. S. August.

Doctri-